



Norconsult AS

Saksbehandlar, innvalstelefon

Bjarne Otnes, 71 25 85 75

Att. Synne Tveiten

## Løyve til geoteknisk boring i Korsbrekke naturreservat - Stranda kommune

Vi viser til søknad frå Norconsult 20.10.2021 om dispensasjon for å gjennomføre geotekniske boringar på to punkt i Korsbrekke naturreservat i Stranda kommune. Grunnboringane er nødvendig for undersøke område stabiliteten i samband med planlegging av utbygging på nærliggande utbyggingsareal. Boringane vil bli gjennomført frå flåte. Boringane vil etterlate to borehol med om lag 10 cm diameter. Det er elles opplyst at boreriggen nyttar miljøvenleg olje som løyser seg opp og ikkje dannar hinne på overflata i tilfelle søl.

### Lovgrunnlag

Søknaden er vurdert opp mot gjeldande verneforskrift for Korsbrekke naturreservat. Etter § 3.1. er vegetasjonen i sjøen freda mot skade, vidare er det etter § 3.2 forbod mot å iverksette tiltak som kan endre naturmiljøet. Sjølve borehola har avgrensa omfang, men i tillegg kjem faren for uhell, t.d. gjennom søl frå boreriggen. Vi finn difor at Norconsult må ha løyve for kunne gjennomføre grunnboringa.

Statsforvaltaren har heimel for å gi dispensasjon frå verneforskriftene i § 48 i naturmangfaldlova (nml): *Forvaltningsmyndigheten kan gjøre unntak fra et vernevedtak dersom det ikke strider mot vernevedtakets formål og ikke kan påvirke verneverdiene nevneverdig, eller dersom sikkerhetshensyn eller hensynet til vesentlige samfunnsinteresser gjør det nødvendig.* Vedtak om dispensasjon må også vurderast opp mot prinsippa i nml §§ 8-12, jf. § 7.

### Statsforvaltaren si vurdering

Føremålet med naturreservatet er å ta vare på eit av dei to einaste gjenverande, delvis intakte elvedelta inst inne i dei djupe Sunnmørsfjordane, med det biologiske mangfald som høyrer til.

Vi reknar samfunnsnyttan av tiltaket som stor. Å vurdere område stabiliteten er viktig både for den aktuelle utbygginga, for liv og helse, busetnad og verksemder/verdiar i området, og for naturreservatet sjølv.

Når det gjeld påverknad på verneverdiane finn vi at det avgrensa inngrepet ikkje påverkar desse nemneverdig og ikkje vil stri mot verneformålet. Borehola vil hurtig reetablere til naturleg tilstand. Grunnboringa skal gå over ein halv dag, og inneber med det liten risiko for akutt forureining. Det



avgrensa tiltaket gir ikkje nemnande utslag for den samla belastninga økosystemet blir utsett for (nml § 10). Vi reknar kunnskapsgrunnlaget for denne vurderinga som tilstrekkeleg (nml § 8). Førre var-prinsippet har ikkje vesentleg vekt (nml § 9). Bruk av flåte er ein effektiv og skånsam måte å gjennomføre boringane på samanlikna med beltegåande borerigg for borepunktet som ligg i tidevassona (nml § 12). Risikoen for forureining som følgje av søl frå boreriggen er liten, men Norconsult vil vere ansvarleg for ev. opprydding og utbetring av skade i reservatet og naturmiljøet rundt (nml § 11).

### **Vedtak**

Statsforvaltaren i Møre og Romsdal gir Norconsult dispensasjon frå § 3 i verneforskrifta for Korsbrekke naturreservat til gjennomføring av grunnboringar som skildra i søknad av 20.10.2021. Heimel for vedtaket er § 48 i naturmangfaldlova.

### **Vilkår**

- Dispensasjonen gjeld til og med 31.12.2021.
- Norconsult må ha rutinar og utstyr som sikrar mot utslepp av forureinande stoff frå boringa.
- Norconsult vil kunne påleggast å gjennomføre nødvendig kartlegging, opprydding og utbetring av skade som følgje av ev. utslepp av forureinande stoff i samband med tiltaket.

### **Anna**

Vi føreset at Norconsult innhentar ev. andre nødvendige løyve, inkl. avklaring med grunneigarar.

### **Klagerett**

Partane i saka eller andre med rettsleg klageinteresse kan klage på vedtaket innan tre veker frå det er mottatt. Klagen må vere grunngitt, og skal sendast til Statsforvaltaren. Miljødirektoratet avgjer klagen dersom Statsforvaltaren opprettheld vedtaket. Reglane om klage på vedtak går fram av kapittel VI i forvaltningslova

Med helsing

Ulf Lucasen (e.f.)  
ass. miljøverndirektør

Bjarne Otnes  
fagleiar

*Dokumentet er elektronisk godkjent*

#### Kopi til:

Stranda kommune      Øyna 13      6200      STRANDA